

10.
JEHOVA AUXILIANTE!
EXERCITATIO MATHEMATICA
De
MERIDIANO
Ejusque officiis præcipuis,
Quam
Indultu Amplissimi SENATUS PHILOSOPH.
in Regia ad Auram Academia,
Sub PRÆSIDIO
VIRI Maxime Reverendi ac Amplissimi,
DN. LAURENTII
TAMMELINI,
Mathem. Profess. Regii & Ordinis
nec nob Pastoris in Lundio.
Publico examini, qua decet, modestia
submittit
NICOLAUS FORNANDER,
Smolandus.
Die 7 Novemb: Anni MDCCIX,
Loco horisque solitis.
—
ABOÆ, Exc. Jo. WAL.

Інформація про земельні ділянки



NUMEN ALTISSIMUM FAVEAT!

§. I.



Ntellectus humani, post
deplorandum peccati
contagium, tanta est im-
becillitas, ut in cogno-
scendo rerum causas,
absq; summa difficultate
& diversorum adminiculorum ope, ad
desideratam cognitionis metam, perve-
nire nequeat. Præsertim vero nobilissi-
ma illa sederalis scientia, tanto difficilio-
ri labore intensiorique cura adquiritur,
quanto circa considerationem rerum re-
motissimarū magis versatur; quapropter
Astronomi, ut ad intimiora hujus scien-
tiæ adita penetrarent, & studia Astrono-
mica plausibiliora redderent cognituque
faciliora, *varios in Sphera circulos, puncta,*
figuras & axes fingere coacti fuere, variosque
orbēs cen-con- & excentricos imaginari,

A

cyclo-

eyclorum pariter & epicyclorum epicyclos va-
riosque invicem configurationes comminisci ;
sine quarum sufficienti cognitione, pru-
denti explicatione, congrua dispositio-
ne, applicatione & distributione, Scien-
tia Sphærica, nec explicari, nec intelligi
potest. Hujusmodi autem circuli, decem
numerantur primarii, quorum denomi-
natio à præcipuo illorum officio vel à stel-
la aliqua, cui propiores existunt, petita
est. Sic *Aequator* dicitur, quasi qui æquat
diem & noctem, scilicet ab æquando omnem
motum apparentem irregularēm in Zo-
daco. *Meridianus*, qui ostendit medium
diem. *Horizon*, ab ὁρίζω seu ὁρίζωμαι, nam
in hoc, Solis, Lunæ & siderum omnium
ortus & occasus determinatur. *Zodiacus*,
ἅποταῦ ζῳδιῶν, quæ in eo finguntur. Sunt
pariter duo *Coluri*, æquinoctiorum ac sol-
stitiorum, ἀπότης κόλη & θῆσ βράχες dicti,
quod cum omnes ceterorum circulo-
rum Maximorum partes, successive su-
per Horizontem ascendunt, Colurorum
partes aliquæ, tamquam cauda quædam
occulta, sub Horizonte latent. Vel quia

ad

ad angulos rectos se invicem bisecant,
& Ecclipticam, in punctis æquinoctiorum ac solstitiorum, in quatuor partes
æquales dividant, pro quadripartita anni divisione. Duo etiam *Tropici*, *Cancri* &
Capricorni, δῶν τε τρέπεται, quia Sol alterutrum tangens, cursum suum retrogre-
diendo vertit. Ultimo occurruunt duo circuli polares, à polis ita nominati qui-
bus sunt viciniores; borealis unus *Arcticus*, δῶν ἡστέρας quam complectitur, ap-
pellatur; Alter australis *Antarcticus*, quo-
niā Arctico ē diametro opponitur.
Præter decem hos Circulos primarios,
alios plures secundarios, maximos &
non maximos, excogitarunt Astronomi,
qui evitandæ confusionis gratia, in Sphæ-
ra materiali non exprimuntur, nec etiam
mei instituti ratio permittit, illos hac vi-
ce enumerare. Proinde omissis tam pri-
mariis quam secundariis circulis omni-
bus, ad unius tantum circuli primarii,
nempe *Meridiani* naturam, usus & offi-
cia varia cyclometrica, summa qua fieri
potest brevitate, exponenda ac expli-

canda pergere animus est. Tuam interea, benevole ac erudite Lector, benignitatem, qua par est obſervantia ex-peto rogoque, quæ politiori tuae Miner-væ exaffe non respondent, humanitatis pallio regas, meque in rebus mathema-ticis adhuc tyronem, pro singulari tua erga quosvis ingenuos mularum culto-res benevolentia, benignè excuses.

§. I I.

Meridianus est Circulus Sphæræ Maximus, immobilis pro situ locorum variabilis, ē puncto contactus Horizontis & Aequatoris per Zenith & Nadir atque Polos mundi descri-pitus, Horizontem secans Orthogonaliter. Ori-go vocis seu ἐτυμολογία, multiloquio non indiget, siquidem omnibus, qui l. extre-mis tantum labris, linguam latinam de-gustarunt, satis constat, Meridianum dici quasi Medidianum, Meridianum vero ob euphoniam & melioris pronuntiationis gratiam; Græcis μεσημβρίας & μεσημέ-ρες, quia punctum meridiei exacte de-monstrat, in quocunque Sphæræ ſitu me-ridiem efficiens, cum Sol ad illum per-ve-

venerit motu diurno. Accipitur vero dupliciter, docente Cluverio lib: i. cap: 3. Primo, pro gradu longitudinis in terra, & dicitur Geographis Meridianus primus, de quo in sequentibus. Deinde, pro Circulo totum orbem ambiente, & tunc appellatur Meridianus Major, quæ propria est acceptio hujus loci. Vocatur etiam ab Astronomis Linea medii cœli & medii diei, Cuspis regalis, Cardo regius, Cor cœli & ultimo, principium decimi domicilii Cœlestis. Dicitur præterea Meridianus, *Circulus Maximus*, quoniam dividit Sphærām in duas partes æquales, centrū idē cum Mundo habens. Hinc liquet illos circulos, qui idem cum Sphæra centrum possident, maximos sive maiores appellari, ut sufficienter demonstrat Theodosius lib: i. proposit: 6. Illi aurem Circuli, quorum centrum diversum est à centro Sphæræ, dicuntur non maximi sive minores, ut idem Theod: demonstrat loco cit: Ex hypothesi deinde terræ immobilis, Meridianus etiam in Cœlo, prorsus immobilis concipiendus est, in quo cum

Horizonte unicè consentit, ut ostendit
 Guil: Blau de globis pag. 174. Patet
 etiam inde, quod per Zenith seu verticem
 loci, in terraquo globo transit, cuius
 Meridianus nuncupatur, vertex autem
 unius ejusdemque loci, non potest esse
 mutabilis sed semper immotus, ideoque
 etiam ipse Meridianus erit firmus, nulli-
 que mutationi obnoxius: si enim ali-
 quantisper moveretur, discederet à loci
 vertice, & sic non divideret diem artifi-
 calem, in duas partes æquales, neque
 Horizontem ad angulos rectos secaret,
 quæ tamen omnia in Meridiano requi-
 runt.

§. III.

DE Meridianorum varietate ac nume-
 ro, pauca etiam dicenda veniunt. Di-
 cendum est in proxima Thesi, Meridia-
 num per Zenith seu verticem loci &
 Nadir punctum è diametro ipsi opposi-
 tum, transire; qua stante sententia in
 aprico est, tot concipi posse Meridia-
 nos, quot puncta verticalia continet Æ-
 qua-

quator vel aliquis ei parallelus, ab ortu
 in occasum, qui omnes se se interseca-
 bunt in polis Æquatoris seu Mundi; qua-
 ratione una eademque Civitas, præcisè
 & geometricè loquendo, quam plures
 habet Meridianos: locus en. quo pro-
 prius spectat orientem, eo Meridianum
 habet magis orientalem, & contra, quo
 magis ab ortu in occasum vergit, eo
 occasui sortitur vicinorem. Hinc facile
 sequitur, certum Meridianorum nume-
 rum, adcurata computatione instituta,
 tradi non posse, cum ad minimam loci
 distantiam ab ortu in occasum, si non
 sensibiliter, salem rationaliter mutatur.
 Interim ad effugiendam omnem, ex infi-
 nita prorsus Meridianorum multitudine,
 confusionem ac difficultatem inde orien-
 tem, perplurimi laborarunt Astronomi
 de hoc, ut certum Meridianorum nume-
 rum invenirent, magis sensus judicium
 consulentes quam rationis. Proclus
 vix ullam Meridiani sensibilem varia-
 tionem accidere extimat, nisi emen-
 so spatio 300 stadiorum ab ortu ver-
 sus

sus occasum, quæ efficiunt in circulo maximo millaria Italica 37 $\frac{1}{2}$ vel 9 Germanica, comprehenduntq; 36 minuta; & tum primum discerni posse puncta verticalia ait. Cum igitur totus Æquator comprehendit grad: 360, qui multiplicati per 60, dant 21600 min. in Æquatore; erunt proinde, si divido 21600 per 36, in toto ambitu Cœli constituendi Meridiani 600 vel 300 tantum integri, quoniam per duo minuta ex adverso opposita quilibet incedit, ita, ut inter duos quoscunque proximos, intercedant minuta 36. Geographi sequuti Ptolemæum, per polos mundi & singulos gradus Æquatoris, meridianos circulos describunt, ut sint in universum 180, quoniam quilibet transit per 2: gr: oppositos, pro his autem integris, propter commodiorem longitudinum numerationem, quidam 360 dimidiatis utuntur, alias juxta Ptolemæum, uno circulo duorum Meridianorum officio fungente. In Globo vero Cosmographico & descriptiōnibus orbis, quæ mappæ mundi dici

solent, per quintum, decimum aut ad minimum decimum quintum Äquatoris gradum, novus describitur Meridianus, ne urbium regionumque loca, nimiam ob Meridianorum congeriem, maximæ involverentur confusioni. Adhibentur præterea in Mappis, Äquatoris & Meridianorum Vicarii, per columnas ad latera tabulæ depictas, in gradus & scrupula divisas, quarum quæ ab ortu in occasum tendunt, Äquatorem, quæ à meridie in septentrionem, Meridianum referunt.

§. IV.

Nunc instituti ordo postulat, ut de primo Meridiano, sive initio numerationis pro longitudine locorum, cuius mentionem in Thesi secunda feci, nonnulla agam. Verum hic fons ille est, ex quo tam multæ errorum iliades, in longitudinibus locorum determinandis promanarunt, licet perinde fuerit, cui loco ista dignitas ac prærogativa tribuatur, ut per illum transeat primus

Meridianus: natura en. dimensionis teluris ab occidente in orientem, nullum posuit initium aut terminum, sed ubique est initium, ubique finis, ut quodlibet Æquatoris punctum, pro initio longitudinis assumi possit. Quoniam vero non omnia Æquatoris puncta, simul & semel huic negotio inservire possunt, necessum igitur est, ut eligatur certus in superficie telluris locus, per quem ductus Meridianus, primus sit, atque in Æquatore, ubi hunc secat, initium longitudinis locorum prodat; id etiam plurimi conati sunt præstare, volentes primum Meridianum per loca occidentallissima transire. Ptolemæus inter veteres, qui & primus prolixiores latitudinem & longitudinem tabulas construxit, primum Meridianum per Canariæ Insulas extendi voluit, quoniam ipsius seculo, insulæ hæ, ultimæ erant in occidentali plaga ex omnibus terræ locis cognitis, ideoque ibi fecit initium numerationis à quo, versus orientales regiones progrediendo, finem vero, in ultimo Asiæ lito.

litore Sinensi. Recentiores autem Geographi, diu post Ptolemæi ævum, inventis perplurimis terræ regionibus occidentem versus, ingentique America detectâ, numerationis illud principium huc & illuc transtulerunt, quidam excurrebant ad litora Brasiliæ, alii iterum ad insulam unam ex Fortunatis, sive Canariis Teneriffa dictam, regrediebantur, initium in dictæ insulæ excelsø monte Pico, sive *el Pico de Teneriffa*, posuerunt, quoniam hic mons à natura videtur quasi has partes accepisse, ut longitudinis initium prodat. Nonnulli beneficio acus magneticæ, primi Meridiani sedem, in insula quadam ex Flandricis sive Azoribus *del Corvo* dicta, demonstrare conati sunt, ea propter quod in hac insula, nullam declinationem à linea Meridiana habere deprehensa sit: sed cum neque alia loca desint, ubi acus magneticæ idem præstat negotium, nec in omnibus eorum Meridianorum partibus idem obtinetur, ut testatur Varenius Geograph: lib. 3, ideoque hac in re, fide

indignissima haberi potest. Astronomi autem, longitudines auspicantur ab illis locis, ubi observationes eorum institutæ, & quibus motuum Cœlestium Epochæ sunt alligatae; Sic Tychonici ab Uraniburgo insula freti Danici, Copernici à Fruemburgo &c. alii aliunde, diversos Ephimeridum scriptores sequentes. videatur Geograph: D. D: Gezelii aliorumque Clarorum Virorum, omnes sententias hic enumerare non expedit; ego Celeberrimi Varenii verbis subscribo dum dicit lib. 3. Geog: propos. 2. cap. 31. Verum enim vero ut libere, quod sentio, dicam, omnis hæc Auctorum discordia sine ulla sufficienti ratione, enata est, ita ut illi, qui primi Ptolemaicum initium loco moverunt, culpandi sint. Perinde enim est, quodunque hujus numerationis initium assumatur in tellure, sive locus sit ultimus ad Occidentem sive ad Orientem modo reliquorum sicut & distantia ad eum adcuratè cognoscatur, & de illa varietate initii Meridianorum, que multis confusionibus & difficultatibus Geographicorum scriptorum lectionem gravat, distincta habeatur cognitio.

§. V.

§. V.

Hoc etiam loco non abs re erit paucis indicare, qua arte linea Meridiana investigari potest, quæ multis Astronomorum observationibus, magnam infert necessitatem. Modi quidem varii sunt, utpote per Astrolabium, Quadrantem verticalem & Globum, aliaque instrumenta huic usui aptata. Et potest acus Magnetica Lineam Meridianam aliquo modo demonstrare, tamen non veram sed tantum vicinam, quæ sufficit, ubi res magni momenti non est; laborat enim Chalyboclisi seu declinatione inæquali, quod antea indigitavi, & propterea non indicat veras omnino plagas, si autem declinatio illa, nota sit, tum satis adcuratè in dato plano, Linea Meridiana designari potest. Ducatur nimirum primo linea, quam acus magnetica monstrat, dein assumto quovis puncto in hac linea, describatur ex eo tamquam centro peripheria circuli, in qua numerentur gradus declinationis acus,

incipiendo à ducta falsa linea Meridiana
 versus orientem, si data declinatio sit
 versus occidentem, & contra. Denique
 per terminum numerationis vel refe-
 ctionis & centrum peripheriae, ducatur
 linea recta, & erit illa, vera linea Meri-
 diana. Unum adhuc modum apponere
 placet, qui sufficienter satis lineam de-
 monstrat Meridianam, si modo obser-
 vatio ritè instituatur, sicque se habet: In
 assere plano ad libellam composito, qui
 Horizonti sit parallelus, describantur cir-
 culi quotunque pro ut libitum fuerit,
 erigatur quoque ē centro stylus, & no-
 tetur terminus umbræ ante meridiem in
 aliquo circulo, deinde exspectetur, do-
 nec post meridiem umbræ extremitas,
 iterum attingat eandem peripheriam:
 Arcus deinde peripheriae inter duo no-
 tata loca, bifariam, per lineam ē cen-
 tro ductam secetur, & erit ipsa linea
 Meridiana. Sunt & alii modi non mi-
 nus certi, ad inveniendam lineam Meri-
 dianam, qui illos desiderat, consulat Au-
 tores

tores Cosmographos pariter Astro-
sophos, hic & illic obvios.

§. VI.

Deicta in superioribus breviter, Me-
ridiani natura, restat adhuc ut te-
nui penicillo, ejusdem usus & officia
ab umbrem, inter quæ primarium illud,
ex quo appellationem suam trahit, pri-
mo considerandum venit, quod scilicet
Meridianus, in positu Sphæræ recto &
obliquo, diem artificialem ac noctem,
in duas æquales partes dividat, ostendens
exacte meridiei ac mediæ noctis
puncta. Dies communiter distingvitur
in naturalem & artificialem. artificialis
temporis spatium appellatur, quo Sol
supra Horizontem ab ortu in occasum
revolvitur, & quoniam hi dies artificiis
exercendis maxime accommodati sunt,
artificiales igitur dicuntur, licet minus
aptè: horum autem initium ac finis, ne-
cessario ab Horizonte, medium vero ex
Meridiano desumitur. Dies naturalis si-
ve *τὸν κύκλον*, conficitur per motum
So-

Solis diurnum, ab uno punto fixo ad idem, cuius initium apud Astronomos, Meridianus determinat, quod secundum est ejus officium. Alioquin varia fuere, & adhuc sunt apud varias gentes, dierum initia: ut testatur Clavius in Sph: Joh: de Sacro Bosco cap. 2. Babylonici enim, Caldæi, Syri & Persæ, quos adhuc imitantur Insulæ Baleares, quæ Majorca & Minorca dicuntur, diem inchoabant ab ortu solis. Judæi, Arabes, Athenienses, quos Itali sequntur, initium diei numerabant ab occasu solis, qvibus Moses exemplum reliquissæ videtur, vesperam auroræ præponens. Ægyptii & Sacerdotes Romani, à media nocte, ad alteram medium noctem, quæ consuetudo in Ecclesia, & apud Christianos adhuc permansit, quoniam circa medium noctem, Eilius DEI & Salvator noster in secula benedictus, qui Sol justitiae est & salutis sempiternæ, nobis exortus & à Maria Virgine natus creditur. Umbri autem & cum his Astronomi à meridie ad alterum meridiem diem computant, quoniam

Sol

Sol & astra, eodem semper modo se
habent respectu Meridiani in omni re-
gione, non autem respectu Horizontis,
qui mirum in modum variat, ratione ma-
joris & minoris elevationis poli, supra
Horizontem.

§. VII.

Tertium Meridiani officium est, determi-
nare Solis omniumque stellarum altitudi-
nem maximam, quam habent supra Ho-
rizontem minimamque, si perpetuae sint ap-
paritiones, in sphæra obliqua; quæ altitu-
do optime mensurari potest Quadrante,
Astrolabiis, Radiis astronomicis aliisque
instrumentis mathematicis. Hinc in Me-
ridiano constituta astra, quoniam in hæc
inferiora, per lineas, quæ magis rectos
angulos efficiunt, agunt, habent inten-
sissimum vigorem ac rigorem. **Quar-**
tum, ascensiones & descensiones rectas
siderum omnium demonstrare; quod
fit, si Sol vel Stella aliqua adjungatur
Meridiano, & Æquator in eodem pun-
cto à principio ver numerato, cum quo
Sol vel stella Horizontem transit, à Me-

ridiano abscindatur, tum arcus ab ini-
 tio arietis, ad idem punctum abscissus, re-
 Etam illorum alcensionem & descensio-
 nem monstrabit. *Quintum*, Declinatio-
 nem punctorum cœlestium ostendere,
 sustinens vices circuli declinationis. *Sextum*, ut in illo numerentur latitudines
 locorum & elevationes poli, *latitudo au-
 tem loci est arcus Meridiani, inter Äquato-
 rem & locum datum interceptus.* Quando
 locus aliquis in hemisphærio septentrio-
 nali est situs, vocatur latitudo ejus bo-
 realis, alias australis. *Elevatio poli dicitur
 arcus Meridiani, inter Horizontem & polum
 mundi elevatum.* Ubi hoc observandum,
 quod latitudo loci, æqualis sit altitudini
 sive elevationi poli supra Horizontem,
 unde si alterutra nota est, ambæ sciun-
 tur, paucis igitur inquirendum qua ra-
 tione elevatio poli inveniatur, nam qui
 per venas lapidum, vel per Magnetis
 inclinationes illud experiuntur, difficul-
 ter rem explicant, qui per umbras me-
 ridianas, imprimis Äquinoctiali & sol-
 sticiali die, obscura utuntur methodo.

modus autem facillimus hic est: Obser-
vetur quadrante, stellæ alicujus circum-
polaris maxima altitudo supra polum,
& post duodecim horas ejusdem mini-
ma infra, in Meridiano, quod tempore
hyberno una nocte fieri potest, semissis
deinde differentiæ altitudini minimæ ad-
dita aut ē maxima ablata, exhibet ele-
vationem poli quæsitam, cui & latitudo
loci æqualis est.

§. VIII.

Septimum Meridiani officium est, insignem
præstare usum Cosmographis, in de-
terminandis locorum longitudinibus.
Est autem *longitudo loci arcus Äquatoris*
inter primum & datu loci Meridianum inter-
ceptus, & secundum seriem signorum numera-
tus. Hic notandum, ubi primus Meri-
dianus, ibi summus occidens, quo ma-
gis igitur secundum seriem signorum
procedo, eo magis emigro ex occiden-
tali hemisphærio versus orientale, do-
nec illud assequor in 180 gradu: nam
trajiciatur, secundum hypothesin Guil:
Blau, Primus Meridianus per insulam

Teneriffam, erit iste locus initium numerationis à quo, extendens se ad Meridianum, qui obvertitur Archipelago de S. Lazaro & novæ Guineæ, distatque à primo per octodecim decades graduum, ubi summus orditur oriens; & inde quo magis ingredior sequens hemisphærium orientale, hoc magis occidentem linquo atque in orientem pervenio, donec in 360 gradu, summum orientem assequor. Nam sicut se in fine 360 gradus, contingunt summus oriens & summus occidens, sic in 180 collidunt initium hemisphærii orientalis & occidentalis. Hinc sequitur, quo maiorem locus aliquis obtinet longitudinem, eo est orientalior, & quo minorem, eo occidentalior; licet eveniat ut alicujus loci occidentalis Meridianus, à primo plusquam loci orientalis, remotus sit, tamen si computatio legitimè instituitur, proximior evadit locus occidentalis primo Meridiano, quam orientalis, multoque minorem habet longitudinem, quod in Globo ad oculum apparet.

Porro hoc etiam loco demonstrandum esset, quomodo & qua ratione, inventatur longitudo loci, hoc est: quanto arcu \AE quatoris, Meridianus loci incogniti, removeatur versus occasum vel ortum, à certo aliquo Meridiano: Verum statim ingenuè fateor, me inparem esse huic oneri nimisque imbecillem, tanto discrimini subeundo, quoniam res est, & maximi momenti & summae difficultatis, quæ non solum excellentissimum Mathematicorum ingenia vehementissime torsit, verum etiam omnem ferè conatum, irritum reddendo, illusit. Interim tamen qua methodo, semet ex hoc labyrintho extricare conati sunt, paucis exponam: Michaël Florentinus, Langrenus & Mathematicorum Choragus Hevelius, in admirando opere Selenographico, hoc negotium expedire conantur per maculas lunares & inclinationes cornuum lunarium. Christianus Longmontanus Professor quondam Hauniensis, in Astronomia Danica lib: i Theorico-

rum Cap. 9. cui adstipulatur Kepplerus
in Rudolphinis. Longitudines loco-
rum inveniri posse existimat, per lunam
cum fixis in nonagesimo gradu Eccli-
pticæ conspectam, utiturque adhoc in-
strumento vel radio vulgato, quem ba-
culum Jacobi nautæ vocant, quo alti-
tudines poli, in vasto mari rimari solent.
Furnerius lib. 12. Hydrograph. difficul-
tatem hanc, per Rombos ventorum tol-
lere satagit. Alii, alias adferunt ratio-
nes, ut possint nodum hunc Gordium
solvere, verum non dum tamen sublatæ
sunt remoræ, quo minus in longitudini-
bus locorum determinandis, inoffenso
pede progredi possint, ideoque diffusus
esse in explicatione diversarum senten-
tiarum, quarum juxta processum, Geo-
graphi in delineatione longitudinum ni-
hil prorsus efficiunt, non expedit. Unum
tamen modum exponere placet, per
quem Alphonsini Mathematici, Alexan-
drini & Babylonici, Meridianorum di-
stantiam explorarunt, estque talis: Ob-
serveretur duobus in locis eadem Ecclipsis,

& sit alterius loci longitudo anteā nota;
 deinde convertatur differentia temporo-
 ris, quo huic atque illi apparuit, in gra-
 dus Äquatoris, hi cum longitudine no-
 ta ritè conferantur vel addendo, si de-
 liquum illud videre contigit in altero
 loco citius, alias subtrahendo, si tardius;
 ex: gr. quæratur longitudo Leidæ, ce-
 lebris Musarum sedis in Batavia, per
 observationem Ecclipseos, in metropoli
 Sueonum Holmensi visæ; Apparuit Ec-
 clipsis Holmiæ die 10 Febr. hor. 4: 30.
 m: pomerid. cujus longitudo nota est
 38 grad. 15. m: eodem die etiam Leidæ,
 sed hor: 5. 23. subtrahantur jam ab invi-
 cem hor: 5. 23: & hor. 4. 30. more Logi-
 sticæ Sexagenariæ, & evadit differentia
 temporis 53. min: hæc differentia con-
 vertatur in gradus Äquatoris, & quo-
 niam 15 gradibus respondet una hora,
 utique licet argumentari secundum reg:
 Aur: 1 hora vel 60 m: dant 15 grad: quot
 dant 53. m: & habeo instituta operatio-
 ne 13 grad: 15 m. hæc differentia subtra-
 batur à longitudine nota 38:15: quoniam
 Hol-

Holmiæ prius apparuit Ecclipsis quam Leidæ, & habeo longitudinem Leidensem 25 grad: ergo tot gradibus remota est Leida à primo Meridiano, distatque Holmia à Leida magis versus orientem per 13 gr: 15 m: Hujusmodi observationes & inquisitiones Meridianorum hodie facile instituuntur, siquidem variæ tabulæ longitudinum à Mathematicis compositæ sunt, qvæ inservire possunt cognitioni Meridiani loci, in quo observatio instituitur; alias dolendum quod tabulæ singulæ longitudinum, propter dissidium Geographicorum de primo Meridiano, nec inter se conveniunt, nec ab erroribus immunes sunt §. X.

Sin vero in aliquo telluris loco, nulla ratione nobis cognito, terrâ vel mari versari contigit, cuius loci situm ad alia telluris loca ignoramus, & tamen scire cupimus, quo in loco, vel sub quo cœli Meridiano constituti sumus, quid tum consilii, vel qua arte invenienda longitudine ejus loci? hoc est secretum illud naturæ quod plurimi mirantur, eruditis
scire

scire avert & nautæ incentivo desiderio cognoscere cupiunt, hujus namque cognitio, artem nauticam perfectam & nulli ferè errori obnoxiam reddere valeret, quapropter Angli, Galli & Belgæ quinquaginta millia florenorum singuli constituerunt præmium & mercedem mysterii hujus nautici inventori ac revelatori, cæterum nemini adhuc palmam in medio positam rapere licuit. Bernhardus Varenius, qui maximam in Geographicis meretur laudem, Geograph: lib. 3. Sex adfert diversos diverorum Auctorum modos, quibus rem hanc non solum explicare, verum in totum ab inscitiæ tenebris vindicare, opinati sunt.

1. modus fit per Ecclipteos Lunæ observationem. 2. per Lunæ locum in Zodaco & Meridiano. 3. per distantiam Lunæ ab aliqua stella fixa. 4. per Lunæ ingressum in Ecclipticam. 5. per planetas Joviales. 6. denique per horologium automaton. Qua methodo modi hi ad praxin & usum deduci possunt, explicat idem Varenius loco cit: Quales autem hi modi sint, & quam magno la-

borant defectu, ad minimum inde patet, quoniam apparentiæ hæ cœlestes ræ sunt, & non tam frequentes, ac usus nauticus requirit. Sin vero horologium automaton parari possit nulli vitio obnoxium, ita ut 24 horas indicaret eodem tempore quo Sol, dum diem naturalem efficit, neque vel anticiparet vel post poneret indicium, tum res esset in vando, facillimamque inventionem longitudinis haberent nautæ; verum & materiæ conditio, ex qua fabricantur automata, talem impedit perfectionem, & diversitas aëris, perpetuam motus æquilitatem tollit, ideoque nec hic modus, pro sufficienti agnosci potest. De hisce
 ὡς ē παρόδῳ, nunc de reliquis Meridiani officiis, nonnulla etiam dicenda essent, sed quoniam exigui sunt momenti, nec peculiarem usum in demonstrationibus Mathematicis admittunt, ideoque illa omitto, contentus me præcipua & primaria munia, potioresque affectiones Circuli Maximi Meridiani annotavisse.

T A N T U M.